

TE VEA NO TAHITI.

Te taata loa, e ere te Tavana e te haava, o tei hanaaro i te hoe hohoa o tei enei vea, aua mai ia e 3 farane no na avae eloru.

Paapeete, mai ia Tepito te nei parau. Papeete.

Ei haaparare raa i te parau rii api e faufaa hia i to te mau fenua i roto i te Hau Tamaru; e neia i te mau mahana maha toa.

O te feia hoo taata, e te mau taata e haapao i te fau raa taata, e tia ia ia nenei aloa hia la ratou mau parau faaite i roto i te vea. Fea, ia aua mai ratou i farane no te reni hoe.

Paapeete, mai ia Tepito te nei parau.

PAPEAU PARAU NO TE HAU.

FAATOROA RAA.

No te taata raa a toa hanahana te Aii vahine o te mau fenua Totaiete, e te Tavana, te Auvaha o te Emepera.

Ua faatoroa hia te feia i papai hia te mau ioa i raro aenei, oia hoi :

Hautia ei haava no te matacinaa ra o Papeuriri, ei mono ia Paovaa o tei faore hia aenei te toroa. Ua maiti hia hoi o Hautia ma te au i nia i te ture no te maiti raa.

E aua te Tavana, te Auvaha o te Emepera na teienei taata toroa i na farane e *toru hanere* i te matahiti hoe.

Teie. Ei raatira mutoi no te matacinaa ra o Maatea (i Modrea), ei mono ia Taibaere i faore hia aenei. E aua te Tavana, te Auvaha o te Emepera na teienei taata toroa ei utua no tona toroa i na farane *hoe hanere e vau ahuru* i te matahiti hoe.

Mihinoa ei raatira mutoi no te matacinaa ra o Papara, ei mono ia Patuae, o tei faore hia te toroa no te rahi roa ino o tona matahiti.

E aua te Tavana, te Auvaha o te Emepera na teienei taata toroa ei utua no tona toroa, i na farane *hoe hanere e piti ahuru* i te matahiti hoe.

E papai hia te Lohoa o teienei parau toroa i te hiopoa raa e i te fare toroa o te e.

Papeete, te 1 no Atete 1853.

Te Aii vahine o te mau fenua Totaiete,

Te Tavana, te Auvaha o te Emepera.

Papahia: POMARE.

Papahia: PAGE.

Papahia te hohoa i te fare toroa o te e.

Te e o te Tavana,

Papahia: BRIOT.

Ua rave maiti roa o Patuae i te ohipa o tona toroa, e tae roa mai nei i teienei mahana. I teienei ra hoi no te rahi roa o tona matahiti, te mono hia nei oia e tehoe taata api, no te mea, ua rahi roa te ohipa i roto i taua matacinaa ra.

APOO RAA IRITI RAA TURE.

Mahana 22 no Tiunu 1853.

Peretiteni raa no Tairapa.

Area ra i te mau fenua toa i pabu maiti te tia-raa o te feia toroa, e faataa e hia i te mhu hira e haafifi i te maiti o te taata toa, te vai raa, e te laa hoi a te taata nei, e te mau hara rii haihai, teore e rahi te tui raa tu te maiti o te taata toa; e tuu hia ia taua mau hara rii haihai ra, na te haava matacinaa e rave, e o te parau i faataa hia e ana ra, e ore ia e tia ia horo hia. E mea tia roa ta te iri-

ti ture imi raa i te reira vahi, e te faore raa mai i te mau haava taata o te fenua i te rave raa i te mau parau huri haihai; mai te tamai e faatupu hia e te taata taero ava ra; e te haapao ore o te mhu metua, i te aratai raa mai, i ta ratou mau tamarii i te haapii raa. E parau rii ia no te maiti aloa hoi o te taata toa, o te tia o te haava matacinaa, ia faataa noa, oia nae iho; no te mea tia aro ae oia i te hiopoa raa o te mau taata no te matacinaa e o ratou hoi te ite maiti i te buru o ta te haava matacinaa rave raa i tana ohipa rii i roto raa i tona riri; e ore roa hoi te hau e faherehere iana, ia na reira oia, oia toa hoi, ia faatia hia ia horo te feia hara no te mau hara rii haihai i te mau tiripuna rarahi ra, te faore ra ia i te mana o te haava matacinaa, e e huri ili ia tona maua i te taua raa i te maiti i roto i tona matacinaa. Te tae mai nei te parau a te mau haava matacinaa, e te mau tavana toa hoi i te hau nei, i te mau mahana toa no teie nei a mau parau. E mea tia ia imi maiti iho te Apoo raa i teie aloa nei mau parau, e mai te haamana maiti atu i te mau ture tabito, e faatia faahou e haamana faahou atu i taua mau ture ra, na roto i te faatia raa i teienei tau irava ture i muri nei.

IRAVA 1.

E faataa te haava matacinaa i te mau parau no te mau hara rii haihai, tei tuu hia tu iana ra e te feia toroa o te matacinaa, e eia hoi ei horo raa.

IRAVA 2.

Te fauriro hia nei ei hara rii haihai, te mau hara toa i faaite hia mai i roto i te mau irava 2, 3, 4, 5, 6 e te 7 no te ture V o te pue raa ture tabiti nei, no te mau ava toa e te hamani raa; tei faaite hia mai i roto i te irava 4 o te ture XVIII no te haapii raa tamarii e tei faaite hia mai i roto i te irava 8 o te ture XXXII no te mau ohipa hau.

IRAVA 3.

Te mau haava, te mau mutoi, e te vetahi iho feia toroa nae ra; te tia ia horo ia haava hia ratou no teie nei mau hara i faaite hia nei; no te mea, ia faatua hia ratou ra, e ore aloa te toroa.

Teaatoro. E ture maiti roa teie, aita e homa e parau no teienei ture, e tuu noa tatou i teie i roto i te rima o te komite.

Peretiteni. Ua na roto hia i te ravea, e ua faatia to te Apoo raa, e tuu atu i teienei ture i roto i te rima o te komite hiopoa ture.

Araha. Te tuu atu nei au i te hoe ani raa na to Paee, e haava i te mau metua e ore e aratai mai i ta ratou mau tamarii i te haapii raa.

Tani. Te manao nei au, e aore roa outou e hio maiti na i ta tatou nei mau ture tabito, e te parau peiri noa mai na outou. E ture oti hoi tona ta outou e ani mai na, te haava hia nei te metua e ore, e tonu i tana tamarii i te haapii raa.

Paele. Ua parau tia roa teie i to'u manao, e e ture oti mau hoi, teie ra te hoe vahi ili, ia faaue atu te metua i tana tamarii e haere i te haapii raa, e ua haere hoi e ori haere e atura, aita tura i haere i te vahi i faaue hia e te metua; e nae ra ia? E haava anei a ia i taua metua ra?

Peretiteni. Ua na roto i te ravea, e ua faatia to te Apoo raa taata e hahae atu i taua ani raa ra.

Apoo raa i te mahana 23 no Tiunu.

Peretiteni raa no Tairapa.

Tairapa. Ua faaite oia i to te Apoo raa, e ua maiti hia o Papa ei iriti ture no te matacinaa ra o Papara, ei mono i tehoe iriti ture tabito, o tei pohi te mai, e ua faaue i taua toroa nona ra. Ua faatia roa maira to te Apoo raa i taua toroa no Papara.

Ua faaue atura te peretiteni ia Ote, te auvaha o te komite, e e faaite mai te manao o te komite hiopoa ture, i nia i te parau ture i tuu hia mai e te hau.

Ote. Te mau nei au i roto i tau rima i tehoe parau ture i taua hia mai e te hau, no te faore roa raa i te hara rii haihai, eiaha i horo hia i te tiripuna ra, e te haava matacinaa raa faatiti roa. O taua mau hara rii i parau hia ra, oia hoi te taero ava; te faaue ore a te faaue raa a te feia toroa o te matacinaa; e o te mau metua o te ore e tonu i ta ratou mau tamarii i te haapii raa. Te manao nei hoi maiti e. E mea tia ia vaiho roa hia tei reira mau hara rii i roto i te rima o te haava matacinaa, eiaha ia horo hia mai i te tiripuna nei: no te mea, e hara rii haihai anae tei reira, e te iti aloa ra hoi te utua. A horo noa hia i a hoi tei reira mau hara rii i te tiripuna ra, riro atura ei ohipa rahi roa, e te peapea, te aratai raa mai e te imi haere raa

mau ite e i te rahi hoi o taua mau haava raa ra, ua faaora hia ia taua taro i pari hia ra, no te mea, aita e ite i tae mai. Ei teienei ra, te manao nei matou, e e faaairoi taua mau hara atoa i faaite hia i nia nei, ei hara rii haihai, e eiaha ei horo raa.

Piapa. Eita tena ture e tia ia 'u, te hinaaro nei ra vau e ia vaiho noa hia te ture tahito. Ia horo paatoa hoi te taata i hinaaro i te horo i te tiripuna e tia. Eiaha e opani hia. Te manao ra hoi oia e, aita oia i rave maitei hia e te haava mataeinaa, ua faantua tia era noa hia ra, e vaiho noa 'tu pahi ia horo na. Mai te mea hoi e, ia vaiho noa hia tenana ohipa i roto i te gima o te haava' naeraa, e rahi i te taata e faantua haere noa hia mai te hara ore.

Nuutere. Te faatia roa nei au i te manao o teienei komite. I te ture farani ra hoi, e ore roa ia e tia ia horo i te hara rii haihai; ia teiaha ra te utua ra, ia mairi mai tehoe faito i faataa hia, ei reira 'tura ia e tia ia horo. E na reira 'toa hoi ta tatou nei e tia, no reira mai hoi te maramarama, e pec atoa tatou na muri iho. I teienei ra hoi, te ite nei tatou e, te moino paatoa ra te mau haava mataeinaa. Ia haava noa 'e hoi ratou i tehoe taata ra, ua hora mai ia i te tiripuna nei, e ua faaora hia i reira. E ere ra ta'ute pari raa i te tiripuna, e e haapao ore ta ratou; e mea rave ata rahi ra te aratai raa mai i te mau ite, e te feia i pari i taua taata i horo ra. Te faaora noa hianei hoi tahi pae, mai te tia ore atu i te mau ite. No reira vau i faatia roa' i i teienei ture; e vaiho te horo raa no e hara rarahi. Ua na reira 'toa hoi te parau a Teatoto. Faatia roa hia tura te irava i o taua ture ra.

IRAVA 2.

No te huru o te mau hara e au ia faaairo hia ei hara rii hai' ui.

Teurea. E ore au e faahapa noa 'e i teienei irava, te manao nei ra vau e, e ore roa 'tu e tia noa 'e te haava raa ite feia metua, o ta ratou tamarii aore i tae i te haapii raa. E ore hoi te tamarii no Tahiti e tia ia faaau i nia i te tamarii papaa; e ore roa hoi ta tatou nei mau tamarii, e faaroo mai i to tatou roo, ia faaue hia 'tu e e haere i te haapii raa. Te faaue hia nei hoi te tamarii e e haere i te haapii raa. Ia tapuni ra hoi ratou i muri ae, eaha 'tura ia ta te metua hara, inaha oia ua faaue ia ratou, e e haere?

Nuutere. Ia ore te tamarii ia haapao mai i te faaue a te metua ra, na te metua iho a ia te haape. Aita ratou i imi rii maitatai i te ravea e faaroo hia mai ai ratou. Te haere noa nei a hoi ta'ua mau tamarii i te haapii raa, mai te tuutuu ore, e e ore roa hoi ratou e patoi noa mai ia 'u. Ahiri hoi tatou i pee atoa i te haapao raa a te papaa, oi ore roa tu ia tatou oi peapea noa 'e i ta tatou mau tamarii.

Mare. Te faaite atu nei au i to te Apoo raa e ua taa e roa ratou, e aita i haapao i te parau i imi hia. Aita hoi tatou e imi nei i te tia raa e te tia ore raa o te metua, ia haava hia, no te tono ore i te tamarii i te haapii raa. Ua faataa maitai hia hoi tei reira e te ture. O ta tatou ra e imi nei, o te tia raa, e te tia ore raa i to te Apoo raa, ia faaairo hia teienei mau hara ei hara rii haihai, e eiaha ia horo hia i te tiripuna ra. Te faatia roa nei ra vau i teienei irava. Ua na reira 'toa mai hoi o Papaiau.

Faatia roa maira to te Apoo raa i te irave 2.

IRAVA 3.

O te feia toroa 'nae o te hau ra, te au ia horo i te tiripuna ra.

Papaiau. E irava maitai roa teie, e faatia papu roa tatou e tia, eiaha ei parau raa.

Ravaai. E ore au e faatia i te parau a Papaiau. O tahi a hoi huru te taata 'toa i mua i te tu-

re. Eaha ihora hoi ia i parau hia e, o ratou ana ra te horo.

M. Briot. E uua rahi roa ta te feia toroa, e iti ae ta te taata 'toa. Ia haava hia hoi tehoe taata torou ra, e faau'ua hia ia oia i te utua i fa'ite hia mai e te ture, e e faaore atoa hia hoi tona toroa. E mau taata riri atoa hia hoi te feia toroa, no te mea, o ratou te aratai uei i te feia hara i mua i te aro o te haava. No reira hoi i maneo hia ei maa uputa iti atoa to ratou. O te pari haavare haere noa hia hoi ratou, ma te hara ore.

Tani. Te faatia roa nei au i te parau a te ee. E na reira e tia; e faatia tatou i teie irava.

Faatia roa hia tura taua irava ra, e to te Apoo raa.

Tamata hia 'tura te tia raa o te ture taatoa na roto i te taro po raa, e teie te hopea:

iriti ture i tae mai. 79

Popo uouo no te faatia. 79

Popo ereere no te faahapa. 0

Riro roa tura ei ture.

Ua nenei hia teienei ture i te Vea no te tapati i mairi aenei, o ta te feia toroa ia e haapao maitai iho.

Te faaite hia 'tu nei to te mau mataeinaa 'toa, e aita roa 'tu e maa i roto i te matete e hoi iti ae. Aita e ia, aita e taro, aita e umara, e aita 'toa hoi te mau maa 'toa. I teienei hoi tau mahana, ua rahi roa mai nei ia te pahi i te tapae raa mai i Papeete nei, ua i hoi te oire nei i te eia o i na nia mai i taua mau pahi ra, e inaha aita roa 'tu e maa e hoe iti ae.

Ahea ra to Tahiti nei e haapao papu ai i te mau ravea e taoa hia ratou. Ua ite papu hoi ratou e, te hoo noa hia nei te maa i te mau mahana toa; eaha ihora hoi ratou i ore i afai mai ai i te maa e te ia? I teienei ra hoi, a faaitoito maitai iho na, a uta mai i te maa, e te ia, e e hoonā roa hia ia te outou na rohirohi. Atira te faatau, o te ravea hoi teie e taoa hia outou atoa na.

Te mau pahi i tapae mai, mai te mahana 2 mai a no Alete.

Tira piti beretane o *Maid of Sulpha*, tapena Beauvais, mai Port-Philip, mai Panipe.

Tira toru marite o *Java*, tapena Heron, mai Tarifonia mai.

Tira toru marite o *George Evans*, tapena Couillard, mai Tarifonia mai.

Tira toru beretane o *Mary-Catherine*, tapena Robertson, mai Niu-Terani mai.

Tira piti no Rimatara o *Eiva*, tapena Tavita, mai Rimatara mai.

Te mau pahi i reva.

Tira piti beretane o *Royalist*, tapena Harris, ua reva i Fatuiva.

Te eé no te Tavana : BRIOT.